



Ikamva-Ukunonophela
abantwana bethu

Isikolo secawa 3

**Isihloko sesifundo: UYesu oneminyaka elishumi elinambini
etempileni**

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo seCawa 3 esithi “**UYesu oneminyaka elishumi elinambini etempileni**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neepensile, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Umzekel. SS, RI okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafle.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo seCawa 3.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).



Isifundo

Isihloko seSifundo	UYesu oneminyaka elishumi elinambini etempileni
Isicatshulwa seBhayibhile	Luka 2: 41-52
Injongo yesifundo	Abantwana bayaqonda ukuba uYesu nguNyana kaThixo.

Isishwankathelo sesifundo:

- UYesu wakhulela kwidolophu encinci yaseNazarete eGalili kunye nomama wakhe uMariya noYosefu.
- Xa uYesu wayeneminyaka elishumi elinambini, uMariya noYosefu bamsa eJerusalem baya kuMsitho wePasika. UThixo wawahlanguka amaSirayeli kubukhoboka kwaye wawakhulula, ke unyaka nonyaka babhiyozela le nkululeko kwaye ayembulela uThixo ngoko. Yayingumbhiyozo weholide kwaye amawaka abantu abavela kwilizwe lonke aye kule dolophini.
- Ekupheleni komsitho, uMariya noYosefu badibana nabanye ababevela eGalili besendleleni egodukayo. Babecinga ukuba uYesu wayekunye nosapho kunye nabahlobo babo kwisihlwele kuhambo olubuyayo.
- Ngobo busuku uMariya noYosefu bamisa inkampu, kodwa xa babekhangela uYesu abazange bamfumane.
- Emva kophando olugqithisileyo baqonda ukuba uYesu wayengekho phakathi kwezalamane okanye izihlobo zabo. Bemka kwangoko baya eYerusalem, bafunisa, basikhangela isixeko iintsuku ezintathu.
- Baza, bakuba befunisile bafunisa, bangena etempileni, kwaye ngequbuliso bambona. UYesu ehleli nabafundisi bomthetho kaThixo, ebamamele kwaye eba buza imibuzo.
- Abo babephulaphule uYesu babemangalisiwe yimibuzo awayeyibuza kwaneempendulo zaKhe.
- “Nyana, kutheni usiphethe ngolu hlobo?” wabuza uMary. Mna noYihlo, besikhathazekile, sizama ukukufumana.”
- Benindifunelani?” Wabuza uYesu. “Anazi na ukuba kufuneka ndibesendlwini kaBawo ndenza le nto afuna ndiyenze?” UMariya noYosefu abazange bayiqonde into awayeyithetha.



- UYesu wabuyela eNazarete nabazali baKhe kwaye wabathobela. UMariya wazigcina zonke ezi zinto entliziyweni yakhe kwaye uYesu wakhula emzimbeni enobulumko, wamkeleka ukuthandwa nguThixo kunye nabantu.

Sithetha ukuthini esi sifundo kuthi namhlanje?

- Ubulumko bukaThixo babukuye uYesu. Wayekwazi ukuyiphendula yonke imibuzo, kuba wayemazi ngokwenyani uYise oseZulwini.
- UYesu watsalelwa etempileni kwaye waziva esondele kufuphi kuYise waKhe oseZulwini apho. UYesu wayiqonda imvelaphi yaKhe engcwele ngexesha leengxoxo ngoThixo etempileni. UnguNyana kaThixo othunyelwe ukuhlangula uluntu.
- Singabantwana bakaThixo. Sikwafumana ithuba lokusondela kuThixo xa sisiva ilizwi lakhe kwiinkonzo zobungcwalisa kunye notyelelo losapho naxa sithandaza.

Khumbula ukuba uYesu nguNyana kaThixo kwaye kufuneka silandele umzekelo wakhe ukuba sisoloko sisondele kuBawo wethu oseZulwini ngomthandazo nokutyelela iinkonzo zobungcwalisa.

Eminye imibuzo esinokuyibuza:

1. Kwakutheni ukuze uMariya, uYosefu noYesu bahambe eYerusalem?

Impendulo: Babesiya kumsitho wePasika

2. Wayesenza ntoni uYesu etempileni xa abazali baKhe bamfumanayo?

Impendulo: Wayehleli nootitshala bomthetho kaThixo, ebamamele kwaye ebuza imibuzo. Wayiphendula eyakhe imibuzo ngobukrelekrele.

3. Kwakutheni ukuze uYesu aye etempileni?

Impendulo: Waziva esondele kuThixo apho kwaye wayesazi ukuba wayenguNyana kaThixo othunyelwe ukuhlangula uluntu.



Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Kunga singeva ubukho bakho

Sikelela isifundo esiya kuba naso

Nceda usifundise sikukhonze njani

Kwaye sincede senze intando yakho

Ukuze sisondele kufuphi kuwe

Thumela uYesu ukuze asiphuthume

Kwaye kwanga singakulungela ukuhlangana naYe

Amen